



顧文康公三集卷之四

五言古詩

春宇篇遙祝姚封公七十

春宇公別號

窮冬陰氣凝物類遭摧傷天道本好生黃鍾動
微陽駸駸開泰宇春澤漸百昌良契君子心仁
風迪民康庭階芝蘭長門墻桃李芳修齡開七
袞瓊筵羅錦堂馳封受天寵命服何煌煌伯
子秋曹彥陽和渙水霜過門拜家慶玉節回
龍光仲子鹿鳴賓諸孫雛鳳翔衆羨春宇翁慶



澤一何長惠山與震澤行樂殊未央摩挲雙碧

眼悠然看滄桑

公名儒以孝廉仕至台州府判

送周以發秋官

正德己巳秋孟之望

翩翩赴長道送子意忽忽樂茲南都行不辭長

道喝南都白雲署蔚然湖山窟修堤風光麗駛

馬蔭清樾聚故金鞭簇迎親綵舟發晴看鍾阜

雲夜泛秦淮月詩書與法律經濟不可缺努力

須及時莫待芳菲歇諸君協聲望要使南斗揭

贈朱君時言尹貴溪

有跋

楊令挽不住朱令欣復來二君皆吳產英英出

群才遺愛方如川先聲復如雷四海橫網羅鴈

鴻中澤哀天子閔元元千金凌高臺勗哉繼

明績聯翩跨斗台

貴溪壯縣號難治楊君起潛方以賢令蒙

簡召將補臺諫朱君時言復往繼之貴民其

遂生息矣乎詩以贈之

贈維則翁

父子本一體天性所以親教典日淪落孝德鮮

有鄰信信臯鏡徒豈是空桑身因念古虞帝齊
夔化頑嚚作則垂宇宙巍巍彼何人彼美維則
翁敦龐完性真孝思自厥考錫類恒依仁吾交
已三世子孫何振振積善天所祐福澤流千春
有酒難獨飲

壽陳虞山母

陳母閨闈師誕子雙南金繁霜裂琴瑟撫孤悲

藁砧鞠教兼慈嚴食藥粉苦參業成充國寘先
後戴朝簪伯槩重西臺仲聲振詞林淬礪兩不
隳長慰母氏心顧養更出人山城歲華深繡衣
重過門埧箎諧雅音遊輿得共導春酒還遞斟
子母兄弟間中心帝所臨母年與家慶尚湖照
虞岑我詩播休風式爲媮俗箴

贈葉約齋

庸人計貧富哲人辨賢愚銅臭與書香隔越天
淵如貽謀共繩武彼此恒相須檢束就規矩狂

縱成籛篠卓哉文莊孫名齋良不迂以約失者
鮮聖訓得紳書官無新筭篋家有舊田廬兢兢
守彝典跬步不敢踰失鮮善則多善多慶有餘

輓月蘭

嘉靖丙戌八月

幽蘭被明月如玉或如金吁嗟月蘭翁風煙開
素襟皓華流紫芳湖山歲月深幽蘭忽已萎明
月照空林停車舊門巷惻然傷我心

送伍武庫寒泉謫判安吉

名餘福吳縣人
以議禮廷杖

明君絕代姿飄轉天北涯賈生經國才譏猜謫
長沙浮生本無據升沉安用嗟湖蘇地壤接山
水更清華寄宦殊不惡且爾避囂譁坐衙隨長
官朝暮鼓兩過公餘讀舊書抱負當增加天日
會開明依然辨龍蛇丈夫命有達終當建高牙

五言律詩

壬申秋九月用剛嚴先生見過索題扇覽

匏翁詞筆惻然興懷用韻為賦蓋公之
沒已數年矣

堂堂吳中老名不從身去丹山孕靈鳥滄洲蔚

琪樹漠然含德風豈獨富章句懷賢渺凝睇帝

鄉白雲處

見長洲歸氏家藏石刻原韻
吳寬同和東湖費宏費案

日者晡時下山諸君之興未盡也復過小

山飲至夜分乃散座中以車公不在殊

減樂棕改亭有作次韻一首呈請鶴村先生教和

煙花明遠嶠淑景動飛樓
梧殿千峯晚觥船百棹
浮春光濃已半遊
癖老難瘳更憇青林月
憑將醕酌酬

元旦和諸老韻呈蓉東先生請教

青陽臻泰福玉曆啓元春
寵切青華地材慙侍從
臣鶴鸞瞻御座虎豹拱
嚴宸報主難爲稱
吾思百此身

贈楊君民欽授涇府良醫

日月燕臺上風煙潞水濱
德鄰行復遠祖唱不堪
聞折肱垂世業種杏滿
春雲國馬誰青眼今空冀北羣

楊君民欽醫術鳴吳下
久矣入醫垣未幾用衆
推選授涇府良醫余於
君舊篤交契其宦遊京
師復爲比鄰茲其別去
不能無惜焉因和時川
儀部韻贈之

冬至與李仁山小飲

顧文康公集卷之四
冬至吾鄉重頻教客裏過天心陽已轉雲物歲
仍和酒永方添供棋深或爛柯相憐骨肉念與
爾且酣歌

中元上 陵廻得口號二首呈研岡先生
衰病怯行役良朋成勝遊牛羊村舍晚禾黍野
原秋近塞妖氛寢諸 陵王氣浮河山鬱形勝
萬古奠皇州 逸一首

題月蘭卷

正德十年春正月

耕釣湖山外風烟染白眉長波流片影幽谷老

芳姿光景三秋好根荄九畹滋敦龐無世味安
享到期願

聚塢郁翁號月蘭醇朴可愛予每至山中輒
飲我美酒佐以嘉蔬別去則懷念勤勤焉鷗
沙鶴渚不可無此葦也重之以詞

五言排律

送許廷美浙江僉憲

皎皎名卿子英英禁署班
發揚繩世美遷謫值
時艱風采憐簪筆天恩喜賜環
憲臺江海上華
節竹松間民物生增色
姦雄死厚顏西湖有東
道飛興白雲邊

贈楊君民欽

放浪真吾友高情昵舊知
相看開口笑共羨折
肱醫月影花前酒松陰石上棋
醜顏恒暈玉短

鬢未成絲爭笑山翁醉誰言王椽癡懷護勞夢
寐種杏撒藩籬軒檻秋容好林臯樂事宜交情
更欣喜挾策有諸兒

賀陳錦衣葵軒生子週歲 正德九年六月廿八日

每願君生子重來事已然蚌胎廿四月挑實三
千年造物休徵在滋培世澤綿勳階忻繼紹簪
紱更蟬聯寶樹風生座朱葵日麗天試啼人共
詫取印事堪傳豈直爲官長還期作大賢從今
惜餘俸留作購書錢

雪

雲低方一色雪意殊未了西齋屢起坐南樓肆
瞻眺玄思天匠精細察冰花小因風乍迴旋入
樹深窈窕荒唐梁園空綽約姑射藐鉄低橫簷
槐碧淺亞階篠又宣珍羞賜遙仰上方杳營巢
鵲且休沸市人應少宸居諸天隔紫閣群玉表
盈盈下有態漠漠來無兆登高俯寰宇衣褐念
窮殍微臣衰齡迫絲髻雪色皦帛煖體猶寒恩
重心逾情對景思尊鼻婦藏出佳醪

七言律詩

寄贈簡大中丞

簡中丞拜命出撫大藩私心欲贈以短
 章而擾擾未果也茲於公屬吏備聞公
 德政之詳為之欽仰徒羨敬賦此奉贈
 時髦文彩競翩翩歟歷如公蓋有年花縣春桐
 舊鸞鶴栢臺霜簡古鷹鷂中原民物徵求急南
 仲旬宜雨露偏憂同誰勤埶躬節清朝蹇蹇獨
 稱賢

蘇頌送給事楊晉川先生之任留都過家拜其
宣太夫人七十壽
令子今爲青瑣客承恩歸省太夫人顯親已著
經綸蹟報主常懷襁褓身壽酒歌鍾娛白髮錦
衣桑梓炤青春靈萱芳桂多慶紫詰他年錫
寵頻

和許松臯六日賞菊

老去看花莫恨遲歲寒心事與花期羈懷嘆我
重九日欣賞輸君第一枝自是霜前偏天矯任
教風外肯離披司徒莫動登臨興晚節方隆
聖主知

登穹窿山

衝風衝雨出穹窿驅駕春寒酒有功仙袂並沾
神女濕塵襟壹洗大王雄望窮楚越滄茫外興
劇湖山掩靄中識應不移龍欲化禹門桃浪簇
天紅

賀玄隱道會還崑山楊柳塘韻

表裏山河舜化存漢槎何處究河源北鴻南鴈

蘇東坡公三集卷之八
故人別弱柳繁桃春日暄
鬢酒月成華下醉寄
書不盡意中言狀元三應問潮戲咸仰調元輔
體元

賀楊住持七十

借問道人何許瘦身輕
五嶽好尋仙飛來弱水
三千里看到浮生七十年
袖裏芙蓉磨更利園
收惹以服應便壺中甲子
休閒過早勒青牛問
又玄

袁道士領劄住持清真觀

雲館琳宮古竹洲
青池綠樹幾遲留
月明華表歸黃鶴
春煖玄田養白牛
未論烟霞供枕籍
且勤香火事焚修
巍巍聖壽非難祝
咫尺虛皇拜冕旒

余與道士之祖野鶴先後識
稔數世矣其人皆謹朴可喜
記昔遊時今汝器輦皆在童
艸茲又生多髯如野鶴矣吾
安得不老也而尚支離風塵
未得歸山尚何說哉賦此贈
汝器兼柬野鶴寓感慨焉

文玉約飲如期往則主人已出戲贈此律
禁垣西畔訪中峰依舊闍黎飯後鐘夜半敲棋
真落莫山陰回棹自從容朋儕尊俎生離思鄉
里衣冠有樂棕雞黍他年重訂約越江烟水杳
難逢

是月朔日頒曆見雪志喜

及時晴雪滿長安鳳曆新頒瑞應難四野望來
和氣塞九重知是 聖情歡農家舉酒來牟孰
客館煨爐楫拙寒嘉靖紀年千百稔太平基業

鎮如磐

煨作偃

小齋坐雪用前韻

雪齋幽迥坐來安有伴山行路不難歲晚松筠
空偃蹇天涯骨肉幾悲懽遙怜白嶂留春賞淺
試黃封辟夜寒何事虞羅問縱迹野鴻隨處是
千磐

壬午中秋待月之作時子姪輩試應天甫

金蓮畢故末聯云云

廿年遊鬢感鄉園嘯詠猶堪興味存欲待暝雲

開素月斃呼籠燭對清尊謝庭玉樹香初動漢
殿金莖露正繁子姓偶然能擢秀策勛遲爾報
天恩

真愚王先生嘗遠惠高篇見賀生子今年

先生壽登八十賦此奉祝

南國年多八十翁於今屈指到無功別來數載

身長健寄我新詩律轉工霄漢鴻毛雙鳥在江

湖鷗社幾樽空

真愚素少飲故戲問之
可見非真醉鄉無功也

何時更

赴東城約賸悒春風杖履同

夏日園居卽事

四首

萬朶葵花五色妍嫣然竹底更池邊柳陰鶯轉

風光媚菱鯉魚跳浪影圓載酒問竒多逸客登

壇結社總詩仙老夫罪過無逃處專擅烟霞富

貴權

園林雨過水交流野老心同野境幽芸屋一編

原學易苔磯幾點舊盟鷗窓前嫩竹初離甲池

面新荷半展鈞一曲清謠清晝永如斯清福許

誰求

六十年來已振衣 五朝親得見雍熙經綸雅
志曾何補湖海深情祇自知野水受風清瀲灩
遠山將雨翠淋漓若教尚在紅塵內箇裏光陰
却付誰

簷前何事鵲聲頻應有詩人到水濱好客自緣
情獨厚懶吟時愛句偏新夢醒倏忽繁華境天
賜清閒自在身笑拍闌干歌一曲薰風池面躍
雙鱗

閑中憶舊山光寫去近作數首寄意亦恐英

契欲知老夫近日况味爾但自聳壑昂霄絕
無一字見及或亦遂能忘却垂髫知己耶一
笑一笑庚申菊月一日遠叟某書肥遯園美

蓉洲之洗心亭寄孔昭英契牙史時府君尚在庠似有

所感明秋獲雋

華柱史於毘陵官舍獲一鵲縱之走筆奉

贈

不須抵玉向崑崙鳥自依人瑞足論化印昔曾
投國士成橋歲復駕天孫喜回栢府風霜煖慶

溢蘭堦雨露繁聞說靈椿更竒古德星久矣炤
清門

送大司成倫白山先生赴任留都

中朝法從聲華迥南國師模道義尊化雨層波
到江海文星麗彩接台垣感時真得英才樂稽
古偏蒙 聖主恩橋梓百年僚案分分違暫爾
不須論

余于白山之尊甫迂崗宮諭公素受教愛而
白山復不踈鄙以前輩目之托交父子間已

三十餘年矣故尾聯云云

送矯亭方公赴任南祠部

廿載憐君清廟器拜官今喜領祠還古今禮樂
春曹重左右圖書白晝閑故里迎親通一水滄
江懷舊望三山我慙烏鳥高堂暮日接鴛鸞綴
曉班

和矯亭方公提學致仕韻

休論藩臬與郎曹鶴骨應便舊布袍匣裏青萍
光乍斂風前白雪調彌高五湖烟月扁舟好三

晉塵沙驛傳勞適取野情吾事了賢愚莫辨幾
牛毛

寄贈方公矯亭

孫曾照眼芝蘭秀令子初恩鵷鷺班蓴菜鱸魚
甘白首松醪菊水駐紅顏頻年著作饒克棟盡
日幽閒靜掩關四海蒼生望霖雨未應安石老
東山

春林詩贈御醫錢君孔微

東吳錢氏以幼科馳聲內垣世受國

恩而術業不群風度可愛如吾孔微尤
翹翹者余幼子若孫曾俱叨保護又不
屑屑計報尤人所難仁厚積累發於諸
郎俱彬彬有文彩將聯翩甲科益昌熾
其家門矣矧聞皇儲誕生有日君之
名位將益高福澤將益遠特賦此以布
私感兼致屬望之意云

上林物物皆春意管領春風杏子花雨露世沾
錢氏澤雲霞嘗護董仙家青囊肘後陰功遠烏

顧文康公三集 卷之四
帽尊前逸興賒爲語春林須自愛前星昨夜有
光華

天壽山中遣興和汝湖宗伯

殷勤求友感遷鶯日日 陵山並轡行啓沃論

思吾輩事

時余與汝湖俱以日講官從駕

秋霜春雨 主君情

年華似水茫中去愁緒如麻觸處生矯矯鴻冥
已難致休言化鶴赴蓬瀛

和周宣張鵬二侍御同年按山西交代之

作三首

誰言守國在重關須仗才賢濟險艱白壁聯光
騰一座青驄逸氣度千山同年契分無離合公
事交承有去還期以詩情付霜簡蒼生應有日
開顏

蝸升蟻鬪不知疲應笑雕蟲日賦詩此地繇來
三晉古相逢未見兩賢竒驪龍珠好曾多採紫
鳳巢危得俯窺莫向雲中恣高唱恐驚真宰問
爲誰

諸公彘鼎策勛新縱酒狂歌老伯倫風度九齡

惟骨鯁襟期茂叔見天真閒居歲月悲流水到
處容顏愧俗塵莫訝裁詩浪追逐洛陽同是看
花人

杜洲少詹視篆翰林三日久旱得雨卽席
志喜

宮詹握篆詞林重歲旱爭傳雨及時天意遲春
如有待神功賦物喜無私風生古檜添新色雲
擁仙葩發秀姿燕罷玉堂人似玉商巖事業總
堪期

抵壇陪祀次亭溪學士韻

稼穡艱難念履初應憐民饑是周餘苑壇春薦
興農耒宮燭宵光動帝裾禮樂百年真已備
聖神千古更誰如願教率土安耕鑿處處桑麻
接里居

二首其一
刻全集

嘉靖庚寅秋 園丘制成將以冬至肇舉

大祀乃降 明詔諭四方臣民大行朱

君子謙寔啣使命于南畿得省其尊甫
應齋先生于家健羨之餘綴短律爲贈

君素以天下為念是歲諸省大水民多
墊溺故章內及之然采風待問固使者
之職也

靈飈快送使星槎拜慶偏憐得過家婁水半程
迂玉節商畿千里賦皇華 郊禋受福今伊始
霖潦為災未有涯咨采民風待問問閭閻田
野總興嗟

詠朱藤和白川韻呈亭溪先生改教

故老移來玉一叢物以人重也誰教剪伐散華風人

心好醜原無定造化栽培本至公碧影暫空清

漢月紅芳還似白頭翁此祝白川為太宰還見此花全盛從今

長養成終者乞與東曹地幾弓

按白川公集云吳文定植朱藤于吏部右廂

往歲見伐今茲復萌此詩托同寅亭溪張少

宰勿重傷焉

奉和元旦諸老韻呈蓉東先生請教

守歲餘酣覺擁衾又呼椒酒試微吟鳳麟端合
為靈瑞麋鹿難忘是野心盡道風烟消紫塞即

看風月滿青林太平歌管清都夜一刻還應直
萬金

陳東渚伯常乞公署圃中桑椹方書云椹

作煎和酒可以駐衰顏搗製之餘偶有

癸巳仲夏望日

六十衰翁一病身藥鑪康濟自相親銀臺紫椹
神靈守玉杵玄霜絕世珍市里賸多休織婦郭
原應有翳桑人何時率土同溫飽醫國須從
鼎鼐臣

和道樓韻送給由還留都二首

文皇快覩代來年賈傅爭誇帝席前三世寵光
非易得二郎宦學總能傳天風鶴度滄溟水春
日花明紫禁烟此去重來知不遠石渠青瑣景
依然

此生平世更長年軒輊寧論後與前知足似君
非口說
羸我得心傳揮金肯用金爲注種
玉今看玉有烟風露秋江渾未晚芙蓉標格自
天然

上御新宮志喜

辛巳十一月二十六日

今辰帝子御新宮錦繡山河叶氣通人指五
雲瞻斗極天留瑞雪報年豐碧簷綠樹氤氳際
金屋瑤華想像中調燮有功歸篤棊煌煌赤舄
見羣公

已亥臘月十九日實明年立春節是日桂

州師相開譙閣中數命酒占醉賦此奉

謝

相公春日開春宴臘酒瑤尊取次斟高閣層城

回淑氣淡雲斜日度輕陰漫憐霜鬢思鄉土行
見烟花滿上林憂國感時空肉食許身真爾
愧南金

詠殘曆

老去偏驚歷歲華摩挲殘曆重興嗟功成浸似
辭林葉勢盡渾如赴壑蛇翻閱從頭成故紙塵
勞過眼總虛花去來物理同歸盡肯信吾生未
有涯

恭和聖製思母歌擬撰七言八句十章

附進

音容隔越杳難尋
罔極酬恩 聖主心霜滿
慈寧天漠漠
月明華表夜沉沉
蘭殺桂酒聊成享
玉几金屏得顧歆
歸路沈寥何處是
鳳笙徐度 閨風岑

其二

雲漢悠悠入太清
先駕引霓旌
瑤池不戀 人間樂紫府
遙知 帝主迎
歲晚冰霜悲短景
宮闈涕淚洒寒更
晨昏薦享須臾事
永慕千秋

惻聖情

其三

阿母相邀身外身
靈輶促駕絕雲津
董雙成爲 驂丹鳳
萼綠華仍馭紫鱗
金簡細書仙籍舊
珠庭重賻 帝顏新鬱羅
天上清虛境
長樂分明 陟聖真

其四

東極迢迢隔彩霞
白榆歷歷紫皇家
遙瞻璧月 儀容近歸到
瑤臺道路賒
天姥殷勤迎鳳吹
群

仙繚繞散天花那知
聖主哀情切哭踊聲高
散乳鴉

其五

玉駕仙遊又許時
慈容入夢動哀思
榮摧雪色靈萱萼
慶協春暉瓊樹枝
悵望龍樓悲問寢
愁經鶴署憶含飴
無端最苦熒熒夜
禁閣霜飛月落時

其六

扶桑日出海東紅
弱水分明有路通
彩鳳來迎

天下母燭龍光導九華宮
身居閭闔玄穹上
心在旋居紫闕中
遺佩宛然徒悵望
雲階只隔半虛空

其七

藐藐神霄第幾重
媧皇仙去杳無蹤
南宮徑詣朱陵府
東極還遊太乙宮
步步生蓮金菡萏
層層玉芙蓉
昇親欲仗玄元力
妙境虛皇寂感通

其八

慈母雲車返帝鄉
吾皇悲感與天長
月娥尚食羞靈藥
霞侶焚香詠洞章
抑抑孝情同帝舜
明明懿德邁周姜
由來惠澤沾黎庶
賸有哀思繫萬方

其九

暫住人寰六十年
紫霄鸞馭去茫然
靈文報德資冥福
寶笈宣誠達上玄
定擬優游參阿母
緣知接引下飛仙
雲閣闈闔琳宮近
神御森羅十極天

其十

白玉狻猊金鳳凰
慈宮瞻侍恨徬徨
瑶文夜誦琳瑯振
金液時聞沆瀣香
月裏笙簧迎鶴馭
雲中幢節裊龍章
分明永住彌羅境
慶衍曾孫百世昌

哭仲兄自如先生

側聞衰病日懷歸
世路崎嶇此願違
死喪每添遊子恨
鄉閭應閔德人希
手書殘篋開遺墨
血淚寒燈點客衣
思入吳天霜月苦
斷菟遙逐鴈

七言古詩

贈御醫楊君民欽

并序

楊君業醫方青陽就手去病如驅羊對我辨論
欺羣芳含珠嚼玉聲鏗鏘君家靈藥來何方鳳
翰龍轉自帝鄉松煎栢煮白雲長瓊英玉露
爭馨香吾兒有病不可當一服去九今如常餽
物不享心孔祥珍仁襲義利乃忘作詩欲使芳
聲揚肩聳眉皺搜枯腸安得爛熳揮千章爲君
播傳遍大荒謫仙去月秋空茫坐久凍雨來悲

傷

揚君精於醫治小兒神効饋之金不受其志
良可尚矣書此表之

恭和

聖製思母歌

夏至分秋百十五影霽山河月亭午

聖皇撫景心含悲嚙蘗茹荼良未苦騁望囚恩

陟屺歌佇立何從瞻望

母煢煢形影空自期百凡祇與中情忤油然作

雲淒以風蕭森落葉零寒雨 天翁忍違

明主心障闕清光畱弗與

玉筵尚食空傍徨心口深更悲自語燕寢哀餘

乘夢知夢裡分明見

母歸鳳駕遙從

此處字句不能無疑因未讀聖製不敢輕易原稿觀者諒之

天上歸仙蹕悠悠雲路清玄明一氣感卽通禮云致愛致慈存且著慨然太息聲親聆吾

皇至性天所畀孝思無極偕

天終長歌之作兮爲思

母睿藻仁聲出心腑玄德顯謨超舜文

聖人大孝極尊親 皇皇錫類敷仁理廣被寰

區億兆人

五言絕句

夢

月妬山齋白霜欺客枕寒吳江有歸夢颯落路漫漫

題西山玉泉

玉洞千山鎮幽泉萬古清夜深僧出定洗鉢老龍驚

七言絕句

嘉靖庚申三月十一日柱國大老序菴先

生李公年六十有六歲龍馬精神龜鶴

壽筭康寧踰期固無待于祝矣况助德

之在 朝廷在天下者又難乎其形容

其文思荒落不能爲長篇鉅辭聊賦七

言四句以鳴其私焉

元精耿耿貫三極壽域茫茫開八荒寂默神功

難贊頌千年柱石奠 明堂

續文獻通考卷之四
秋日閒居卽事三首

城居寂寞似山林樹色琴聲別院深
倦卽閉門閒便出野人酌酢本無心

其二

墻角紫薇花正繁白頭已解舊朝官
山林相對依然好何必絲綸閣下看

其三

風攬青桐葉下摧時飄一片點蒼苔
山童不識林亭趣却併松枝盡掃開

西苑

朱城西望路透迤萬歲山高仗不移
堤柳壇花圍睥睨爐香旗影出采恩
雲霞色麗天行近鸞鳳音清法樂隨
聞道受釐宣室裏鬼神唯有賈生知

海子

大液淵淪繞碧巒池邊臺殿敞春寒
金鰲曩屨繚繚浪翠羽參差曲曲闌
漁網不臨魚藻樂龍舟稀御榜人歡
太平處處群生遂流入天田

顧文房公三集卷之四
聖澤寬

天菴許君年六十未有子方將誕育詩以
促之

六十由仙髻已絲
赤間旦夕報生兒
仙家不似人間世
莫恨蟠桃結子遲

題野泉畫竹

阿咸春酣弄綵毫
天風冷冷鼓雲濤
轟雷迸出玉龍角
湛露姿容青鳳毛

壽詩題畫

岌業蓬山舊托根
花開偏照萬年樽
緣知占得

春如許管領天家雨露恩

其二

清影朝臨太液池日華霞彩爛春姿時人欲問
仙翁壽直至三千子熟時

八月望夜南樓獨坐有懷去歲諸友及兒

輦時在試場

五首

屋角銀河澹欲斜故人今夕在天涯只應不隔
關河影千里悠悠共月華

露華浮玉桂香濃銀漢無聲月正中忽憶故人

天萬里滿身金粟廣寒宮

群仙何處跨飛鸞縹緲紅雲捧玉盤曾在長安
憶兒女今緣兒輩憶長安

去歲中秋笑語譁自憐衰病鬢根華少年散去
哀翁在獨倚南樓到月斜

金樽在手月當樓肯負清光照白頭強半憂愁
與風雨百年能看幾中秋

贈月蘭

楚江秋雨過蒹葭無數輕鷗泛白沙竹下新涼

履文身之三集卷之四
葛衣淨坐拋藜杖讀南華

清真觀

葆德含華物外身玄都觀裏舊精神於今却被
桃花笑不道劉郎是故人
甲子須臾又一周清泉白石是真修寰瀛十萬
虛寥境來往風烟碧玉虬

壽陳旒八月十八日誕辰

聞說先生初度日洪波百丈海潮來問潮曾忝
龍門客欲挽秋江獻壽杯

題詹仰之琴月卷

碧梧山月照琴心世慮消沉夜向深琴月無聲
對寥廓戛然孤鶴助蕭森

失題

手掣鯨鯢餌一鈞半生心事付扁舟依然載得
西施去不悟紅顏解白頭
題畫贈石齋閣老座主

根蟠厚土勢撐天力障狂瀾豈偶然四海蒼生
拜霖雨滄桑紀筭不知年

蘇文忠公集卷之四
詩送涿州別駕表侄支孝光之任

垂垂御柳春歸早
搖漾風光百尺強
別駕行時那惜別
官居只在五雲鄉
年年水旱侵農事
日日輕躋走使旄
聖主宵衣問民瘼
何人撫字獨心勞

詞

壽西洲八十調畫堂春

兩山犀脊對蟠螭
小樓深樹透迤五湖春水釣
舟移鷗鳥忘機
密密齒猶編貝
纖纖髮未垂絲
玉鳩扶老太平時
直到期頤

小詞奉候台臨調如夢令

雲物迴開晴昊驟
雪滿階頰掃燈火
畫堂春莫惜玉尊傾
倒安道安道顯迺剡谿僊棹

謝安車馬歸國安能笑復謝安侯侯謝安

謝安車馬歸國安能笑復謝安侯侯謝安

謝安車馬歸國安能笑復謝安侯侯謝安

謝安車馬歸國安能笑復謝安侯侯謝安

謝安車馬歸國安能笑復謝安侯侯謝安

謝安車馬歸國安能笑復謝安侯侯謝安

謝



